



Broj: 07-06-24618-20/23
Sarajevo, 06.06.2023. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na zastupničku inicijativu, *dostavlja se*

Zastupnica Danijela Kristić je na osmoj radnoj sjednici Skupštine Kantona Sarajevo, održanoj dana 30.05.2023. godine u okviru tačke Dnevnog reda "Poslanička/zastupnička pitanja, inicijative i odgovori", postavila zastupnička pitanja koja glase:

„Molim Vas da mi odgovorite na sljedeća pitanja vezano za regulisanje pitanja usavršavanja Eco sistema i problema sigurnosti u Kantonu Sarajevo:

- *Upravljanje šumskim dobrom?*
- *Pitanje koncesije (podkoncesije) za upravljanje javnim dobrom (šumom i planinskim pašnjacima)?*
- *Upravljanje zaštićenim područjem koncesije za korištenje šumske staze i lovačke, šumarske staze i putevi?*
- *Da li je moguće da se za organizaciju moto susreta odnosno rada off road klubova iznajmi (da na koncesiju odnosno podkoncesiju zemljišta koje je već naplaćeno od koncesionara)?“*

Odgovor:

Vezano za pitanja zastupnice Danijele Kristić obavještavamo Vas o slijedećem:

Članom 41. stavom (1) i članom 46. stavom (2) Zakona o šumama Kantona Sarajevo ("Službene novine Kantona Sarajevo", broj: 5/13, 10/21, 19/22 i 5/23) definisano je da državnim šumama i šumskim zemljištima na području Kantona upravlja Ministarstvo privrede Kantona Sarajevo, a privatnim šumama upravljaju i gospodare njihovi vlasnici u skladu sa ovim zakonom, podzakonskim propisima i odredbama šumsko privredne osnove. Također, članom 47. stavom (2) propisano je da Ministarstvo ugovorom prenosi poslove gospodarenja državnim šumama iz člana



41. stav (1) Zakona o šumama na KJP "Sarajevo-šume", izuzev šuma koje su posebnim propisom povjerene na upravljanje KJU za zaštićena područja.

Zakonom o šumama Kantona Sarajevo i Zakonom o koncesijama Kantona Sarajevo ("Službene novine Kantona Sarajevo" br. 27/11, 15/13 i 1/22) nije propisano davanje šume i šumskog zemljišta pod koncesiju. Naime, članom 3. Zakona o koncesijama Federacije BiH ("Službene novine Federacije BiH" br. 61/06 i 40/02) definisano je da predmet koncesije između ostalog je korištenje šume i šumska zemljišta što je u nadležnosti Vlade Federacije.

Kada je u pitanju korištenje šumskih puteva članom 38. Zakona o šumama propisano je da vlasnik i korisnik šuma i šumskog zemljišta mogu dozvoliti kretanje šumskim putem trećem licu po dogovoru koji može uključivati određenu naknadu, a za organizovanje biciklističkih i moto trka šumskim putem potrebno je pribaviti dozvolu korisnika/vlasnika. U konkretnom slučaju ako se zahtjev odnosi na šume i šumska zemljišta u državnom vlasništvu korisnik šuma je Kantonalno javno preduzeće „Sarajevo – šume“ d.o.o. Sarajevo.

Zakonom o šumama Kantona Sarajevo u članu 55. stavu (2) utvrđeno je da se na šumi i šumskom zemljištu u državnom vlasništvu pravo služnosti u svrhu obavljanja turističke djelatnosti ili sportsko rekreacijskog turizma može se osnovati samo za potrebe paintball/laser tag borilišta, adrenalinskog parka, tematskog parka, staza i šetnica kroz šumu, ograđenih ili neograđenih površina za jahanje konja u turističke svrhe, biciklističkih staza, poletnih staza (padobransko jedrenje, zmajarenje i sl.), ski staza, zipline, šetnje u krošnjama, vidikovaca i promatračnica, površina za slobodno penjanje i sportskog streljaštva.



Dostaviti:

1. Naslovu,
2. Predsjedavajućem Skupštine Kantona Sarajevo,
3. Vladi Kantona Sarajevo,
4. Evidenciji,
5. a/a.

